



REPUBLIKA E KOSOVËS / REPUBLIKA KOSOVA

GJYKATA THEMELORE GJILAN

Numri i lëndës: 2023:239034

Datë: 27.03.2024

Numri i dokumentit: 05512338

**P.nr.802/2023**

**NË EMËR TË POPULLIT**

**GJYKATA THEMELORE NË GJILAN**-Departamenti i Përgjithshëm, me gjyqtaren e vetme gjykuese Mevlide Shabani, me bashkëpunëtoren profesionale Albinë Velekinca Sadiku, në çështjen penale kundër të akuzuarës F.K. nga Gjilani, për shkak të veprës penale të vazhdueshme vjedhja e shërbimeve nga neni 314 paragrafi 1 lidhur me paragrafin 6 e nenit 77 të Kodit Penal të Republikës së Kosovës (KPRK-ës), duke vepruar sipas aktakuzës së Prokurorisë Themelore në Gjilan me numër PP.II.nr..../2023, të datës 06.11.2023, me rastin e vendosjes lidhur me kërkesën e Prokurorisë Themelore në Gjilan për dhënien e urdhrin ndëshkimor me shenjën PP.II.nr...../2023, të dt.06.11.2023, pas konstatimit se të dhënat në aktakuzë ofrojnë bazë të mjaftuar për dhënien e urdhrin ndëshkimor, me datë 27.03.2024, mori këtë:

**A K T G J Y K I M**

**PRANOHET** kërkesa e Prokurorisë Themelore në Gjilan për dhënien e urdhrin ndëshkimor me shenjën PP.II.nr...../2023, të dt.06.11.2023, andaj kjo gjykatë jep këtë:

**URDHËR NDËSHKIMOR**

E akuzuara F.K., nga babai R., e lindur me datë ....., me vendbanim në Gjilan në Rr. "R. M.", nr..., shqiptar, shtetas i Republikës së Kosovës, me numër personal .....

**ËSHTË FAJTOR**

Sepse nga data 22.07.2023 e deri më datë 28.08.2023, në rr."R. M."në Gjilan, në shtëpinë në shfrytëzim të saj, e pandehura, si konsumatorë e energjisë elektrike, me qëllim të përfitimit të kundërligjshëm pasuror për vete, në vazhdimësi ka vjedhë shërbime komunale të energjisë elektrike, në atë mënyrë që për shkak të borxhit të papaguar të njëjtës i është çyçur energjia elektrike dhe i është vendosur njëtori elektrik me komandë nga distanca dhe pas vërtetimit të gjendjes faktike në terren nga ekipa e kontrollit të KEDS, është vërtetuar se e njëjta në mënyrë të paautorizuar është lidhur direkt në rrjet jashtë pikës matëse nga ku është furnizuar me energji elektrike duke anashkaluar matjen, dhe në këtë mënyrë me

veprimet e veta në mënyrë të kundërligjshme ka shpenzuar energji elektrike të pa autorizuar, duke e dëmtuar KEDS-in, distriktin në Gjilan në shumë 89.77€.

**-Me këtë ka kryer veprën penale të vazhdueshme vjedhja e shërbimeve, nga neni 314 paragrafi 1 lidhur me paragrafin 6 e nenin 77 të KPRK-ës.**

Prandaj, në bazë të nenit 4, 38,39,40 dhe 43 të KPRK-ës si dhe të nenit 495 par. 1.1 të KPPK-së, të akuzuarës i shqipton:

### DENIM ME GJOBË

Ashtu që e akuzuara F. K., dënohet me dënim me gjobë në shumë prej **100 (njëqind -euro) €**, të cilin dënim është e obliguar që ta paguajë nga dita e plotfuqishmërisë së aktgjykimit.

Nëse e akuzuara refuzon të paguajë dënimin me gjobë ose nuk është në gjendje ta paguaj atë atëherë dënimi me gjobë me pajtimin me të akuzuarën do të zëvendësohet me punë në dobi të përgjithshme ashtu që 8 (tetë) orë të punës do të barazohen me 20 € (njëzet euro) ndërsa nëse i akuzuari nuk pajtohet me zëvendësimin e dënimit me gjobë me punë në dobi të përgjithshme atëherë dënimi me gjobë do të zëvendësohet në dënim me burgim në atë mënyrë që për çdo 20 € (njëzet-euro) do të caktohet një ditë burgim.

E dëmtuara KEDS distrikti ne Gjilan, për realizimin e kërkesës pasurore juridike udhëzohet në kontest të rregullt juridiko civil.

Obligohet e akuzuara që të paguajë shpenzimet e procedurës penale aq sa do të bëhen sipas llogarisë përfundimtare, ndërsa në emër të paushallit gjyqësor, të paguajë shumën prej 20 €, nga dita e plotfuqishmërisë së aktgjykimit.

### A r s y e t i m

**Prokuroria Themelore në Gjilan**, Departamenti i Përgjithshëm, me datë 06.11.2023, ka ngritur aktakuzën PP.II.nr...../2023, kundër të akuzuarës F. K. nga Gjilani, për shkak të veprës penale të vazhdueshme vjedhja e shërbimeve nga neni 314 paragrafi 1 lidhur me paragrafin 6 e nenit 77 të KPRK-ës, dhe njëherësh gjykatës i ka kërkuar dhënien e urdhrit ndëshkimor dhe shqiptimin e dënimit me gjobë me arsyetimin se ka prova të besueshme nga kallëzimi penal, lidhur me besueshmërinë e akuzës së propozuar në drejtim të vërtetimit të fakteve se e akuzuara vërtet e ka kryer veprën penale për të cilën akuzohet.

Gjyqtarja e vetme gjyqese me rastin e shqyrtimit paraprak të çështjes, gjeti se janë plotësuar kushtet nga neni 493 i KPP-së të KPPK-së dhe konform nenit 495, para. 1, 2 dhe 3 të KPP-së, dhe vendosi që të pranojë kërkesën për dhënien e urdhrit ndëshkimor si në dispozitiv.

Kjo gjykatë, konsideron se provat e bashkangjitura në shkresat e lëndës, si vijon: procesverbali mbi konstatimin e gjendjes faktike ne terren me numër ....., i datës 03.10.2023, kalkulimi i RH....., të datës 26.09.2023, fatura mbi dëmin e shkaktuar DGLHP..... e datës 27.09.2023 dhe DGLHP..... e datës 05.10.2023 dhe foto dokumentacionin mbi mënyrën e kryerjes së veprës penale, si dhe shkresa tjera përcjellëse.

Vendimi mbi shpenzimet e procedurës penale, si dhe paushallin gjyqësor është marrë në bazë të nenit 450 paragrafi 1 të KPP-së.

Andaj duke u bazuar në të lartcekurat dhe në kuptim të nenit 495 paragrafi 1,2 dhe 3 të KPP-ës gjykata vendosi si në dispozitiv të këtij aktgjykimi.

**GJYKATA THEMELORE NË GJILAN**  
**Me datë 27.03.2024**

**Gjyqtarja**  
Mevlide Shabani

**KËSHILLA JURIDIKE:** *Kundër këtij aktgjykimi i pandehuri mund të paraqes kundërshtim në afat prej 8 (tetë) ditëve nga dita e pranimit të të njëjtit.*